


ხელშეკრულება სახელმწიფო შესყიდვის შესახებ № 98



ქ. ზუგდიდი

ერთის მხრივ, **ზუგდიდის მუნიციპალიტეტი** (შემდგომში „შემსყიდველი“), მისი უფლებამოსილი წარმომადგენლის, ზუგდიდის მუნიციპალიტეტის საკრებულოს თავმჯდომარის ლევან კონჯარიას სახით და მეორეს მხრივ, **შპს „ზუგდიდტრანსჯორჯია“** (შემდგომში „მიმწოდებელი“), მისი უფლებამოსილი წარმომადგენლის, დირექტორის პლატონ გოგიას სახით, საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე ვდებთ წინამდებარე სახელმწიფო შესყიდვის შესახებ ხელშეკრულებას (შემდგომში „ხელშეკრულება“) შემდეგზე:

1. ხელშეკრულების საგანი

- 1.1 „მიმწოდებელი“ ვალდებულია კისრულობს გაუწიოს „შემსყიდველს“ ხელშეკრულებით გათვალისწინებული მომსახურება, ხოლო „შემსყიდველი“ ვალდებულია კისრულობს აუნაზღაუროს „მიმწოდებელს“ გაწეული მომსახურების ღირებულება, წინამდებარე ხელშეკრულებით გათვალისწინებული პირობების შესაბამისად.
- 1.2 ხელშეკრულების საგანია ზუგდიდის მუნიციპალიტეტის ბიუჯეტის სახსრებით „შემსყიდველის“ მიერ „მიმწოდებლისაგან“ 2013 წლის სამხედრო სავალდებულო სამსახურში წვევამდელთა საგაზაფხულო გაწვევასთან დაკავშირებით ქ. თბილისში, წვევამდელთა შემკრებ-გამანაწილებელ პუნქტში ახალწვეულთა გადაყვანა-გადმოყვანის სატრანსპორტო მომსახურების (CPV კოდი: 60100000 – საავტომობილო ტრანსპორტის მომსახურებები) შესყიდვა, გამარტივებული შესყიდვის საშუალებით („სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „ბ“ ქვეპუნქტის თანახმად, ზუგდიდის მუნიციპალიტეტის საკრებულოს თავმჯდომარის 2013 წლის 30 აპრილის №199 ბრძანების საფუძველზე).

2. ხელშეკრულების ღირებულება

- 2.1 გასაწევი მომსახურების ღირებულება, მომსახურების სრულყოფილად გაწევასთან დაკავშირებული ყველა ხარჯებისა და საქართველოს კანონმდებლობის შესაბამისად განსაზღვრული ყველა გადასახადის გათვალისწინებით შეადგენს **1645 (ათასექვსასორმოცდახუთი) ლარს**.

3. მომსახურების გაწევის პირობები

- 3.1 მომსახურების გაწევა „მიმწოდებლის“ მიერ განხორციელდება ხელშეკრულების გაფორმების თარიღიდან 2 (ორი) კალენდარული დღის განმავლობაში.
- 3.2 მომსახურების გაწევის პარალელურად, „მიმწოდებელი“ ვალდებულია უზრუნველყოს თანმხლები დოკუმენტაციის წარდგენა „შემსყიდველისათვის“ (საგადასახადო ანგარიშ-ფაქტურა ან კანონმდებლობით დაშვებული სხვა დოკუმენტი).

4. მიღება-ჩაბარების წესი

- 4.1 გაწეული მომსახურება ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.
- 4.2 ხელშეკრულებით გათვალისწინებული მომსახურების მიღებას ახორციელებს „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლები, რომლებიც მომსახურების მიღების შედეგების მიხედვით აფორმებენ შესაბამისს მიღება-ჩაბარების აქტს.

5. ანგარიშსწორების ფორმა და წესი

- 5.1 ანგარიშსწორება „მიმწოდებელთან“ განხორციელდება გაწეული მომსახურების მიღების შემდეგ, უნაღლო ანგარიშსწორების სახით, „მიმწოდებლის“ საბანკო ანგარიშზე თანხის გადარიცხვის ფორმით.
- 5.2 ანგარიშსწორებას „შემსყიდველი“ განახორციელებს ფაქტობრივად გაწეული მომსახურების გათვალისწინებით შესაბამისი მიღება-ჩაბარების აქტის წარდგენიდან 20 (ოცი) სამუშაო დღის განმავლობაში.

6. მხარეთა უფლება-მოვალეობანი

6.1 „შემსყიდველი“ ვალდებულია:

6.1.1 უზრუნველყოს გაწეული მომსახურების შესაბამისი ანაზღაურების გადახდა „მიმწოდებლისათვის“ წინამდებარე ხელშეკრულების პირობათა სრული დაცვით;

6.1.2 გააფორმოს მიღება-ჩაბარების აქტი.

6.2 „შემსყიდველი“ უფლებამოსილია:

6.2.1 „მიმწოდებლისაგან“ მოითხოვოს მომსახურების გაწევა, ხელშეკრულებით დადგენილი პირობებით და განსაზღვრულ ვადაში;

6.2.2 „მიმწოდებლის“ მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება;

6.2.3 დაუბრკოლებლივ განახორციელოს „მიმწოდებლის“ მიერ გაწეული მომსახურების ხარისხის შემოწმება;

6.2.4 „მიმწოდებლისაგან“ მოითხოვოს გაწეული მომსახურების შესახებ დადგენილი ფორმის მიღება-ჩაბარების აქტის გაფორმება.

6.3 „მიმწოდებელი“ ვალდებულია:

6.3.1 ხელშეკრულებით დადგენილ ვადაში, ხელშეკრულებით დადგენილი პირობებით გასწიოს მაღალკვალიფიციური მომსახურება;

6.3.2 ხელშეკრულების მოქმედების პერიოდში „შემსყიდველს“ წარუდგინოს გაწეულ მომსახურებასთან დაკავშირებით ნებისმიერი სახის ინფორმაცია და დოკუმენტები;

6.3.3 საკუთარი ხარჯებით უზრუნველყოს „შემსყიდველის“ მიერ გამოვლენილი ყველა ნაკლის აღმოფხვრა, რომელიც გამოწვეულია გაწეული მომსახურებიდან;

6.3.4 მომსახურების გაწევასთან დაკავშირებით, მოთხოვნის შემთხვევაში წარუდგინოს „შემსყიდველს“ გაწეული მომსახურების შესახებ შესაბამისი პირველადი დოკუმენტაციის ასლები და ანგარიში, რომლის შემდეგაც ფორმდება დადგენილი ფორმის მიღება-ჩაბარების აქტი;

6.3.5 დაუყოვნებლივ აცნობოს „შემსყიდველს“ ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ;

6.3.6 ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს „შემსყიდველს“ შესაბამისი თანხმობის მისაღებად.

6.4 „მიმწოდებელი“ უფლებამოსილია:

6.4.1 „შემსყიდველისგან“ მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

7. უფლებების გადაცემა

7.1 მხარეებს არა აქვთ უფლება მეორე მხარესთან წერილობითი თანხმობის გარეშე მთლიანად ან ნაწილობრივ გადასცენ მესამე მხარეს ხელშეკრულებით განსაზღვრული უფლება-მოვალეობანი.

8. ხელშეკრულების პირობების გადასინჯვის შესაძლებლობა

8.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველისათვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე (ათი პროცენტი) მეტი ოდენობით გაზრდა.

9. ხელშეკრულებაში ცვლილებების შეტანა

9.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

9.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. შეტყობინება

10.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ფაქსის ან ელექტრონული სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან ღვება.

11. ხელშეკრულების შესრულების შემთხვევა

11.1 ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შეუსრულებლობის საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ხოლო შეტყობინების მიმღები მხარე კი ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.

11.2 იმ შემთხვევაში თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

12. მხარეთა პასუხისმგებლობა ხელშეკრულების პირობების შეუსრულებლობისათვის

12.1 ფორს-მაჟორული პირობების გარდა, „მიმწოდებლის“ მიერ ხელშეკრულების პირობების შეუსრულებლობა ან/და დაგვიანებით შესრულება გამოიწვევს მის პასუხისმგებლობას, მოქმედი კანონმდებლობითა და წინამდებარე ხელშეკრულებით განსაზღვრული წესის შესაბამისად.

12.2 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის „მიმწოდებელს“ ეკისრება პირგასამტეხლო, ხელშეკრულების საერთო ღირებულების 5%-ის ოდენობით, რომლის გადახდა უნდა მოხდეს „შემსყიდველის“ წერილობითი მოთხოვნის მიღებიდან 20 (ოცი) სამუშაო დღის განმავლობაში.

12.3 თუ „მიმწოდებელი“ პირგასამტეხლოს სახით გადახდის შესახებ შეტყობინების მიღებიდან 20 (ოცი) სამუშაო დღეში არ გადაიხდის პირგასამტეხლოს, მას დამატებით დაეკისრება ჯარიმა, ყოველ გადაგადაცდილ დღისათვის, პირგასამტეხლოს თანხის 0,15%-ის ოდენობით.

12.4 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 10%-ს, „შემსყიდველს“ უფლება აქვს შეწყვიტოს ხელშეკრულება.

12.5 „შემსყიდველი“ უფლებას იტოვებს მოახდინოს პირგასამტეხლოს გამოქვითვა „მიმწოდებლისათვის“ ასანაზღაურებელი თანხიდან.

12.6 პირგასამტეხლოს გადახდა არ ათავისუფლებს „მიმწოდებელს“ ხელშეკრულებით ნაკისრი ვალდებულებების შესრულებისაგან.

12.7 პასუხისმგებლობის სხვა ფორმები, რაც არ არის გათვალისწინებული ამ ხელშეკრულებაში, განისაზღვრება მოქმედი კანონმდებლობით.

13. ხელშეკრულების მოქმედების შეწყვეტა

13.1 ხელშეკრულების დამდები მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.

13.2 ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 2 (ორი) დღით ადრე მაინც, ამასთან, უნდა მიეთითოს მიღებული გადაწყვეტილების საფუძვლიანი და მისი ამოქმედების თარიღი.

13.3 ხელშეკრულების ცალკეული პირობების მოქმედების შეწყვეტა, არ ათავისუფლებს მხარეებს დანარჩენი ვალდებულებების შესრულებისაგან.

13.4 მხარეთა შორის გაფორმებული საბოლოო მიღება-ჩაბარების აქტი წარმოადგენს ხელშეკრულების მოქმედების შეწყვეტის საფუძველს.

14. შორს-მაჟორი

14.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და სამხრის მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.

14.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

14.3 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

15. დავების გადაწყვეტის წესი

15.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

16. ხელშეკრულების ინსპექტირების პირობები

16.1 „შემსყიდველს“ ან მის წარმომადგენელს უფლება აქვთ ხელშეკრულების ნებისმიერ ეტაპზე განახორციელონ კონტროლი „მიმწოდებლის“ მიერ ნაკისრი ვალდებულებების შესრულებაზე.

16.2 ხელშეკრულების კონტროლს ახორციელებს „შემსყიდველის“ მიერ გამოყოფილი თანამშრომელთა ჯგუფი (შემდგომში „ინსპექტირების ჯგუფი“) შემდეგი შემადგენლობით: - გიორგი მანჯგალაძე - ზუგდიდის მუნიციპალიტეტის გამგეობის სამხედრო აღრიცხვის, გაწვევისა და მობილიზაციის სამსახურის უფროსი; - ელზა უბილავა - სამხედრო აღრიცხვის, გაწვევისა და მობილიზაციის სამსახურის აღრიცხვის განყოფილების უფროსი; - ბადრი ბერიშვილი - ზუგდიდის მუნიციპალიტეტის გამგეობის სამხედრო აღრიცხვის, გაწვევისა და მობილიზაციის სამსახურის მობილიზაციის განყოფილების უფროსი.

16.3 ინსპექტირება განხორციელდება წარმოქმნილი საჭიროებიდან გამომდინარე.

16.4 „შემსყიდველის“ მიერ გამოყოფილი „ინსპექტირების ჯგუფი“ უფლებამოსილია განახორციელოს გაწეული ან/და გასაწევი მომსახურების მოცულობის, ხარისხისა და მიწოდების ვადების კონტროლი.

16.5 „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ხარვეზის ან ნაკლის აღმოფხვრა.

16.6 „მიმწოდებელი“ ვალდებულია მომსახურების განხორციელების დროს „ინსპექტირების ჯგუფს“ შემოწმების პროცესში აღმოუჩინოს ხელშეწყობა, არ შეუქმნას ხელიშეშლელი პირობები და წარუდგინოს მომსახურების გაწევისთან დაკავშირებით ნებისმიერი სახის ინფორმაცია და დოკუმენტები.

16.7 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

17. დასკვნითი დებულება

17.1 მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

17.2 მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას, დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

17.3 ხელშეკრულების მხარეებს არა აქვთ უფლება გააკეთონ განცხადება, მეორე მხარის მიერ ხელშეკრულების იმ ან არ შესრულების მისი შესრულებისას დარღვევების შესახებ და აშ

წინასწარ არ მოხდება შესაბამისი საკითხის ერთობლივი შესწავლა და შესაბამისი ფაქტების დადასტურება.

- 17.4 ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის შეთანხმების წერილობითი გაფორმების შედეგად.**
- 17.5 ხელშეკრულება ძალაში შედის მისი ხელმოწერის მომენტიდან და მოქმედებს 2013 წლის 5 ივნისამდე.**
- 17.6 წინამდებარე ხელშეკრულება შედგენილია 4 (ოთხი) თანაბარუფლებიანი ძალის მქონე ეგზემპლარად, 3 (სამი) ეგზემპლარი ინახება „შემსყიდველთან“, ხოლო 1 (ერთი) ეგზემპლარი გადაეცემა „მიმწოდებელს“.**

18. მხარეთა მისამართები, საბანკო რეკვიზიტები და ხელმოწერები

„შემსყიდველი“

ზუგდიდის მუნიციპალიტეტი

საიდენტიფიკაციო კოდი: **220391635**

იურიდიული მისამართი: ქ. ზუგდიდი, ზვ.

გამსახურდიას გამზ. №45

საბანკო რეკვიზიტები: ს.ს. „ლიბერთი ბანკი“-ს

შეკრულების რეგიონალური ფილიალი

ბანკის კოდი: **LBRTGE22**

ანგარიშის ნომერი: **GE12LB0120190181874000**

ზუგდიდის მუნიციპალიტეტის

საკრებულოს თავმჯდომარე



.....
ლ. კონჯარია

„მიმწოდებელი“

შპს „ზუგდიდტრანსჯორჯია“

საიდენტიფიკაციო კოდი: **419986411**

იურიდიული და ფაქტიური მისამართი: ქ. ზუგდიდი, ბერიას ქ. №49

საბანკო რეკვიზიტები: სს „საქართველოს ბანკი“

ბანკის კოდი: **BAGAGE22**

ანგარიშის ნომერი: **GE96BG0000000395147400**

შპს „ზუგდიდტრანსჯორჯია“-ს

დირექტორი:



.....
/პ. გოგია/

განსახილველი მომსახურების ხარჯთაღრიცხვა

№	გაწვევის თარიღი	მარშრუტი	სატრანსპორტო საშუალებათა რაოდენობა და ტიპი	წვევამდელთა რაოდენობა	თანხა (ლარი)
1	2	3	4	5	6
1	30.04.2013წ.	ზუგდიდი- თბილისი-ზუგდიდი	1 ერთეული დიდი ტევადობის ავტობუსი	50 წვევამდელი	1170
		ზუგდიდი- თბილისი-ზუგდიდი	1 ერთეული მცირე ტევადობის ავტობუსი	25 წვევამდელი	475
				სულ ჯამი: 1645 ლარი	

„შეძღვნილი“

„მიმწოდებელი“

ზუგდიდის მუნიციპალიტეტის
საკრებულოს თავმჯდომარე:

...../ლ. კონჯარია/



შპს „ზუგდიდტრანსჯორჯია“-ს
დირექტორი:

...../პ. გოგია/




საქართველო

MUNICIPAL COUNCIL

ზუგდიდის მუნიციპალიტეტის
საკრებულო

OF ZUGDIDI

2100 ზუგდიდი, ზვ. გამსახურდიას .
გამზ. N45

№ 45 Z.Gamsakhurdia.av. ZUGDIDI



GEORGIA

ზუგდიდი

30 აპრილი 2013 წელი

ზუგდიდის მუნიციპალიტეტის საკრებულოს თავმჯდომარის

ბ რ ძ ა ნ ე ბ ა № 199

გამარტივებული შესყიდვის საშუალებით სატრანსპორტო მომსახურების შესყიდვის განხორციელების თაობაზე

მიმდინარე წლის 26 აპრილს მუნიციპალიტეტის საკრებულოში შემოვიდა ზუგდიდის მუნიციპალიტეტის გამგებლის მომართვა, სადაც აღნიშნულია, რომ საქართველოს პრეზიდენტის 2013 წლის № 46 ბრძანებულების შესაბამისად სამხედრო სავალდებულო სამსახურში მოქალაქეთა 2013 წლის საგაზაფხულო გაწვევა მიმდინარეობს 01.02.2013-30.06.2013 წლამდე. ზუგდიდის მუნიციპალიტეტისათვის განსაზღვრული გაწვევის გეგმა-დავალება დადგენილი გრაფიკის შესაბამისად დღეის მდგომარეობით შესრულებულია. გეგმა-დავალების შესრულების უზრუნველყოფისათვის ზუგდიდის მუნიციპალიტეტის გამგეობასა და შპს „ზუგდიდტრანსპორტს“ შორის 2013 წლის 14 თებერვალს გაფორმდა ხელშეკრულება № 50, სადაც ტრანსპორტის მომსახურების ღირებულება შეადგენს 7750 ლარს. სამხედრო სავალდებულო სამსახურში გასაწვევი და სამხედრო სამედიცინო-საექსპერტო კომისიაზე ჯანმრთელობის მდგომარეობის განსაზღვრის მიზნით წასაყვანი წვევამდელის (280 წვევამდელი) ტრანსპორტირებისათვის ხელშეკრულებით გამოყოფილ იქნა 5 დიდი ტევადობის ავტობუსი და 4 მიკროავტობუსი. სამსახურეობრივი აუცილებლობიდან გამომდინარე 280 წვევამდელის ნაცვლად ტრანსპორტირებულ იქნა 400 წვევამდელი, რამაც გამოიწვია სატრანსპორტო საშუალებების 2 ავტობუსისა და 1 მიკროავტობუსის დამატებით გამოყოფის აუცილებლობა და შესაბამისად ხელშეკრულებაში განსაზღვრული თანხის გადახარჯვა. ასევე საქართველოს მასშტაბით სამხედრო სავალდებულო სამსახურში მოქალაქეთა 2013 წლის საგაზაფხულო გაწვევის გეგმაში მოხდა კორექტირება, შესაბამისად ზუგდიდის მუნიციპალიტეტს გეგმა-დავალება გაეზარდა 70 წვევამდელის ოდენობით. რაც მოითხოვს დამატებით ხარჯებს. მიმდინარე წლის 30 აპრილს წვევამდელთა სამხედრო სამედიცინო-საექსპერტო კომისიაზე გადასაყვანია ჩასარიცხი წვევამდელები. მოქმედი კანონმდებლობის შესაბამისად გამოცხადებული ტენდერი მოითხოვს გარკვეულ დროს, ხოლო დარჩენილი მცირე დროის გამო შექმნილ მდგომარეობას ვაფასებთ როგორც გადაუდებელს.

„ადგილობრივი თვითმმართველობის შესახებ“ საქართველოს ორგანული კანონის, სახელმწიფო შესყიდვების შესახებ საქართველოს კანონის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანების და ზუგდიდის მუნიციპალიტეტის გამგებლის მოვალეობის შემსრულებლის 2013 წლის 26 აპრილის N06-1/734 მომართვის შესაბამისად:

ვ ბ რ ძ ა ნ ე ბ ა :

1. მიეცეს თანხმობა ზუგდიდის მუნიციპალიტეტის გამგეობას მიმდინარე წლის 30 აპრილს წვევამდელთა სამხედრო სამედიცინო-საექსპერტო კომისიაზე სატრანსპორტო გადაყვანის მომსახურეობის შესყიდვა სახელშეკრულებო ღირებულებით 1800 (ათასრვაასი) ლარის ოდენობით განახორციელოს გამარტივებული შესყიდვის საშუალებით „სახელმწიფო შესყიდვების შესახებ“ საქართველოს კანონის 10¹-ე მუხლის მე-3 პუნქტის „ბ“ ქვეპუნქტის თანახმად;
2. მიღებული ბრძანების შესახებ ეცნობოს ზუგდიდის მუნიციპალიტეტის გამგეობას
3. დაევალოს ზუგდიდის მუნიციპალიტეტის გამგეობის შესაბამის სამსახურს მოამზადოს და წარმოადგინოს სატრანსპორტო მომსახურების შესყიდვასთან დაკავშირებით შესაბამისი დოკუმენტაცია;

4. დაევალოს ზუგდიდის მუნიციპალიტეტის გამგეობას მიღებული ბრძანების თაობაზე ხელშეკრულების დადებამდე აცნობოს სახელმწიფო შესყიდვების სააგენტოს;
5. ბრძანება ამოქმედდეს „საქართველოს ზოგადი ადმინისტრაციული კოდექსის“ 54-ე მუხლის პირველი ნაწილის შესაბამისად, გაცნობისთანავე;
6. ბრძანება შეიძლება გასაჩივრდეს ზუგდიდის რაიონულ სასამართლოში ერთი თვის ვადაში „საქართველოს ზოგადი ადმინისტრაციული კოდექსის“ 180-ე მუხლის პირველი ნაწილის და „ადმინისტრაციული საპროცესო კოდექსის“ 22-ე მუხლის მე-3 ნაწილის შესაბამისად, გაცნობის დღიდან (ქ. მუგლიდის გრ. ქობალიძის ქ. № 12).

ლ. კონჯარია
 ზუგდიდის მუნიციპალიტეტის საკრებულოს
 თავმჯდომარე

